

19521.

1882

371.5
<hr/>
G - 39



2. Մարտի 1882

7

**ՔՆՊՋԱՆՈՒՄ**

**ՈՒՍՈՒՑՉԱԿԱՆ ԺՈՂՈՎԻ**

**ԿԱՐԳԱԴՐԻՉ ՅԱՆՁՆԱԺՈՂՈՎԻ**

ԿՈՂՄԻՑ:

**ՀԱՐՅԵՐ**

12001

371.5  
C-39

ԹԻՖԼԻՉ

ԱՆ ՅՈՎՀԱՆՆԵՍ ՄԱՐՏԻՐՈՍԵԱՆՑԻ

ՕՐԲԷԼԵՆ ՓՈՂՈՑ, 5

1882

2010



371.5  
C-39



2156-2Ա

8438

ԱՊԱԳԱՅ ԸՆԴՀԱՆՈՒՐ ՈՒՍՈՒՅՉԱԿԱՆ ԺՈՂՈՎԻ ԿԱՐԳԱԴՐԻՉ  
ՅԱՆՁՆԱԺՈՂՈՎԻ ԿՈՂՄԻՑ

Ընդհանուր ուսուցչական ժողովին մասնակցող ուսուցիչների գործը մասամբ դիւրացնելու նպատակով, Կարգադրիչ Յանձնաժողովը հրատարակում է մի շարք հարցերի, որոնք վերաբերում են աշակերտների յառաջադիմութեանը, դաստիարակութեանը, նոյնպէս և ուսումնարանական կարգապահութեանը: Յանկալի էր, որ այդ հարցերը ոչ միայն մշակուէին մանկավարժական ժողովներում, այլ և մասնաւոր անհատների կողմից: Թէ մանկավարժական ժողովներում մշակուած հարցերի բովանդակութիւնը և թէ մասնաւոր անձանց կարծիքները Կարգադրիչ Յանձնաժողովը խնդրում է մինչև օգոստոսի 1-ը հասցնել իրան, ինչպէս որ հրատարակուած է ներկայ թուի «Մշակ» № 13 և «Սեղուի» № 2 մէջ:

1004  
1545

Ծրագիրներին, առարկաների դասատուութեան մետոդիկային և ձեռնարկներին վերաբերեալ հարցերը թողնվում է ծրագիրների հետ տպելու:

ԱՇԱԿԵՐՏՆԵՐԻ ՅԱՌԱՋԱԳԻՄՈՒԹԵԱՆ ԵՒ ԴԱՍՏԻԱՐԱԿՈՒԹԵԱՆ ՎԵՐԱԲԵՐԵԱԼ ՀԱՐՑԵՐ.

1. Ի՞նչ մետոդական կանոններով ուսուցիչը աշակերտներին պէտք է դաս տայ և դաս պահահանջի (դասի ժամա-



նակ Հարցեր բաժանել, պատմելը պահանջել, աշակերտին պատմելիս օգնել, խնդիր լուծելիս օգնել, ուսման նիւթի մշակելն և այլն):

2. Ի՞նչպէս պէտք է նախապատրաստել աշակերտի տնային աշխատութիւնները և ի՞նչ չափով պէտք է լինեն նոքա:

3. Աշակերտի բաց թողած դասերը ի՞նչպէս պէտք է լրացնել:

4. Ի՞նչպէս պէտք է որոշել աշակերտի ծուլութիւնը և անընդունակութիւնը. ի՞նչ միջոցներ պէտք է գործ դնել մէկի առաջն առնելու և միւսի պակասը լրացնելու:

5. Նրբ աշակերտը դասը չի իմանում, ի՞նչ պատճառներ կարող են չարգելի համարուել:

6. Ի՞նչ արտաքին և ներքին պատճառներ կարող են խանգարել աշակերտի ուշադրութիւնը: Ի՞նչ հանգամանքներում անուշադրութիւնը կարող է ներքին կամ աններքին համարուել:

7. Աշակերտի դասերից դուրս կատարուելէք ընթերցանութիւնը ի՞նչպէս պէտք է կանոնաւորել (մանկական դրադարաններ, հաշիւ կարգացածի, գրքերի ընտրութիւն և այլն):

8. Ուսումնարանի շրջակայքում գտնուած զարգացնող հաստատութիւններից կամ պատմական չիշատակներից ի՞նչպէս պէտք է օգուտ քաղել (մուզիում, պատկերների հաւաքածու, կենդանաբանական և բուսաբանական այգիք, աւերակներ և այլն):

9. Մի դասատան մէջ աշակերտների թիւը սրբանից աւելի չը պէտք է լինի:

10. Կարևոր է արդեօք թուանշանների գործածութիւնը, և եթէ կարևոր է, ի՞նչպէս պէտք է նոքա գործադրուին:

11. Տարեկան հարցաքննութեանց սր եղանակը ամէնից չարմարն է մեր ուսումնարանների համար (քաղուածք, հրապարակական, մասնաւոր, կրկնողական, տոմսակիներով և այլն):

12. Կարևոր է արդեօք պարզեւարձութիւնը. եթէ կարևոր է, երբ (հանդիսաւոր առիթներում, թէ ամբողջ տարուայ ընթացքում): Պարզեւարձութեան նիւթը ի՞նչ պէտք է լինի:

13. Տարուայ ընթացքում ի՞նչպէս պէտք է կրկնել ուսման նիւթը:

14. Մի աշակերտ իր ուսման ընթացքում քանի՞ անգամ երկու տարի կարող է մնալ որևէից դասատանը և ի՞նչ դէպքերում կարելի է բացառութիւն անել:

15. Կարելի է աշակերտին տարուայ ընթացքում մի դասառնից միւսը տեղափոխել:

16. Ի՞նչ միջոցներով պէտք է զարգացնել աշակերտի մէջ սէր և համակրութիւն դէպի ուսումնարանը:

17. Ի՞նչ տեսակ չարաբերութիւն պէտք է լինի ուսուցչի և աշակերտի մէջ (մասնաւոր գործեր չանձնել, տանը ծառայեցնել, բարե տալ և բարե առնել և այլն):

18. Ի՞նչ միջոցներ պէտք է գործ դնել ուսումնարանը իւր սաների ծնողաց հետ սերտ չարաբերութիւն պահելու և գլխաւորապէս ի՞նչ նպատակի համար:

19. Կարևոր են արդեօք մանկավարժական խորհրդի կողմից պարբերական ընթերցանութիւններ աշակերտների համար (մարդասիրութեան, ընկերսիրութեան, երախտագիտութեան և այլն ոգի զարգացնելու նպատակով) և եթէ կարևոր են, ի՞նչ կերպով կարելի է հեշտութեամբ նպատակի հասնել:

20. Չմերային և ամառնային արձակուրդների ժամանակ կարելի է աշակերտներին թոյլ տալ մանկական ներկայացումներ տալու և, եթէ կարելի է, սիլ պէտք է առաջնորդէ նոցա:

21. Աշակերտը երբ կարող է թատրոն չաճախել և սև հետ պէտք է չաճախէ:

22. Ո՞ր հասակից սկսած կարելի է աշակերտին թոյլ



տալ լրագիրներ կարգալ և թնչպիսի լրագիրներ: Ի՞նչ Հան-  
գամանքներում կարող է աշակերտը մասնակցել Հասարա-  
կական գործերի (բարեգործական նպատակով տուած երե-  
կոներին, ներկայացումներին, թաղման, խնջոյքներին և այլն):

23. Կարո՞ղ է աշակերտը Հրապարակական ճառեր  
խօսել և եթէ կարող է, թնչ ղէպքերում:

24. Ո՞րպիսի տօներ ուսումնարանը պէտք է Հանդի-  
սաւոր կերպով տօնէ:

25. Ուսումնարանը պէտք է տօնէ՞ արդեօք այն տօնը,  
որ անդական ժողովուրդը տօնում է:

ԿԱՐԳԱՊԱՀՈՒԹԵԱՆ ՄԻՋՈՑՆԵՐ

1. Հարկաւոր են արդեօք դասատան դաստիարակներ  
տղայոց ուսումնարաններին Համար և թնչ է լինելու նոցա  
պարտականութիւնը:

2. Օրերողաց ուսումնարաններին դասատան վարժուհի-  
ները միայն վերակացուհիւ պաշտօն կատարելու են, թէ  
նոյնպէս դաստիարակի:

3. Ուսումնարանը պէտք է ունեննայ վերակացու, ո՞ր  
ուսումնարանները պէտք է ունենան և թնչ է լինելու նո-  
ցա պարտականութիւնը:

4. Ի՞նչ միջոցներ պէտք է գործ դնել աշակերտներին  
մաքրակրթութեան մէջ վարժեցնելու (գրքեր, տետրակներ,  
Հագուստը և այլն մաքուր պահելու Համար):

5. Հարկաւոր են արդեօք պաշտօն ունեցող աշակերտ-  
ներ դասատան և ուսումնարանի մէջ և, եթէ Հարկաւոր են,  
թնչպիսի պաշտօն կարող են ունենալ (օրապահ, վերակա-  
ցու, ծառայութիւն ուսումնարանի Համար և այլն):

6. Ի՞նչ միջոցներ պէտք է գործ դնել, որ աշակերտները  
որքան կարելի է դասերից սակաւ բացակայ լինին:

7. Իստ սկսուելուց չառաջ թնչ պէտք է անուի ստ-  
րին դասատանց աշակերտներին ուշադրութիւնը նախապատ-  
րաստելու (ձեռքերը բարձրացնել, ուսուցչին նայել, շարժ-  
մունք և այլն):

8. Իստատան մէջ թնչ տեղ պէտք է նստի կամ կանդ-  
նի ուսուցիչը. (նա իր ուշադրութիւնը միայն պատասխա-  
նողի, թէ ամբողջ դասատան վերայ պէտք է դարձնէ և  
այլն):

9. Ի՞նչ միջոց Հարկաւոր է գործ դնել իմանալու Հա-  
մար, թէ աշակերտները ուսուցչի պատմածը, Հարցածը,  
դատը և այլն Հասկանում են թէ ոչ:

10. Ի՞նչ բաներ պէտք է կատարուին խմբովին (գրքեր  
Հանելը, բաժանելը, դուրս դնալը, թնչ ուսման նիւթ և  
այլն):

11. Հարկաւոր է արդեօք պատիժը և, եթէ Հարկաւոր  
է, թնչպիսի պատիժներ կարելի է գործ դնել դասի ժամա-  
նակ և դասից դուրս: Պատիժ նշանակելուց չետոյ կարելի է  
աշակերտին ներել և սիվ կարող է ներել:

12. Ի՞նչպիսի խաղեր կարելի է թուլ տալ աշակերտ-  
ներին (տեղական, եւրոպական և այլն): Պէտք է արդեօք  
խաղերը առաջնորդել և թնչ աստիճանի:

13. Կարեւոր են աշակերտական չիշատակարաններ և,  
եթէ կարեւոր են, թնչպէս պէտք է կազմուած լինին նոքա:

14. Աշակերտներին եկեղեցի չաճախելը թնչպէս պէտք  
է կանոնաւորել (նոցա մէջ բարեպաշտական զգացմունքներ  
զարգացնելու Համար):

Կարգադրիչ Յանձնաժողովը կարեւոր Համարած է Հրա-  
տարակել նոյնպէս Հետեւեալ Հարցերը, որոնք վերաբերում  
են ուսուցիչների նիւթական ապահովութեան, ուսումնա-



րաններին և ուսումնարանական վարչութեանց: Այս Հարցերի պատասխանները և մշակութիւնը շատ ցանկալի էր ուսումնարանական գործին հմուտ և համակրող անձանց կողմից:

Այս տեսակ Հարցերի քննութիւնը ընդհանուր ուսուցչական ժողովի իրաւասութեան սահմանից դուրս լինելով, այնու ամենայնիւ Կարգադրիչ Յանձնաժողովը նոցա կարգի բերելով՝ կ'առաջարկէ Ընդհ. ժողովի կողմից ընտրուած մի մասնաժողովի գիտողութեանը և ապա կ'առաջարկէ ուր հարկն է ի գիտութիւն:

1. Ի՞նչպիսի ուսումնարաններում անհրաժեշտ են մանկավարժական խորհուրդները, Թ՛նչ պէտք է լինի նոցա նշանակութիւնը, նոցա խորհրդակցութեան նիւթը և Թ՛նչ կանոնների պէտք է նոքա ենթարկուին (արձանագրութիւններ կազմելը, վիճարանութիւններ և այլն):

2. Ի՞նչ մեջոցներով կարելի է իրագործել և ապահովել մի մանկավարժական թերթ (ուսուցչաց զարգացմանը և ուսումնարանական գործին շարունակ նպաստելու համար):

3. Ո՞րչափ ժամանակ ուսուցիչը կարող է բացակայ լինել դասերից առանց զրկուելու իւր ռոճիկից և Թ՛նչ դէպքերում:

4. Ուսումնարանը Թ՛նչպէս կարող է նպաստել ուսուցչին (կամ նորա ընտանեաց), քանի՞ տարի ծառայելուց չետոյ և Թ՛նչ եղանակաւ:

ա) Կարելի՞ է կազմել խնայողական գանձարաններ (բոլոր ուսումնարանաց, թէ իւրաքանչիւր թեմի, քաղաքի, գործակալութեան և այլն). դոցանից ո՞րը և Թ՛նչպէս կարելի է իրագործել:

բ) Ուսումնարանների վարչութիւնները չե՞ն կարող

արդեօք ուսումնարանի տարեկան եկամուտից մի որոշեալ տոկոս նշանակել ուսուցիչներն ապագան ապահովելու համար:

գ) Ուսումնարաններն տարեկան ծախուց նախահաշիւներէն մնացած գումարներն մի մասը չէր կարելի արդեօք գործ դնել յօգուտ ուսուցիչներն ապահովութեան:

5. Ուսուցիչներն և դպրոցների վարչութեանց մէջ ծագած դժգոհութեանց առաջն առնելու համար Թ՛նչ մեջոցներ պէտք է գործ դնել:

6. Ի՞նչպիսի տեղում (քաղաքի և գիւղի) պէտք է կանգնած լինի ուսումնարանի շէնութիւնը և Թ՛նչ տեսակ շէնք պէտք է լինի նա առողջապահական կէտից նայելով:

7. Ի՞նչպիսի կահ կարասիք պէտք է ունենայ ուսումնարանը:

8. Ի՞նչ հոգս պէտք է քաշուի ուսումնարանում աշակերտաց Ֆիզիքական կրթութեան համար (գիմնաստիքա և այլն):

9. Ի՞նչպէս է կարելի կազմակերպել ուսուցչական և աշակերտական գրադարանները: Ո՞վ պէտք է ընտրի գրադարանների համար գրքեր:

10. Սթէ ուսումնարանը չի կարող իւր գրադարանն ունենալ, կարելի՞ է արդեօք այդ պակասը լրացնել շարժական գրադարաններ կազմելով:

11. Կա՞ չէր լինի արդեօք, որ աշակերտներին հարկաւոր թէ գրքերը և թէ դասական պիտոցքները ինքը ուսումնարանը հոգար: Սթէ այդ հարկաւոր է, Թ՛նչ մեջոցներով կարելի է հիշտութեամբ իրագործել:

12. Հարկաւոր է արդեօք աշակերտների (և աշակերտուհիների) հագուստի մէջ միաձուլութիւնը:

13. Ի՞նչպէս պէտք է կանոնադրել թողալ առնելու հարցը:



14. Ի՞նչ չարաբերութիւն պէտք է լինի թեմական և ճխահան ուսումնարաններէ մէջ ծրագրի նկատմամբ:

15. Կարևոր են խառն դպրոցները (փոքր տղայոց և աղջկերանց համար) և, եթէ կարևոր են, ի՞նչպէս կարելի է զարգացնել և ընդհանրացնել նոցա:

16. Ի՞նչ հանգամանքներում կարևոր են գելէթօթիկ ուսումնարանները. ի՞նչ տեսակ կարող են լինել նոքա և ի՞նչպէս պէտք է պահուին:

17. Մի ուսուցիչ ունեցող ուսումնարանում, ուսուցչի հիւանդութեան պատճառով ուսման կանոնադր ընթացքը չը խանգարելու համար ի՞նչ միջոցներ կարելի է դործ դնել:

18. Որքան ժամանակ պէտք է տևէ ամէն մի դասը առանձին և օրական քանի դաս պէտք է լինի: Ի՞նչպէս պէտք է բաժանուին դանազան առարկաները դասատուութեան ժամերը օրուայ և շաբաթուայ վերայ: Կասատուութիւնը կարող է լինել և ճաշից յետոյ:

19. Ի՞նչ աստիճանի և ի՞նչ կերպով հասարակութիւնը պէտք է ուսումնարանը նիւթապէս ապահովացնէ:

20. Հասարակութիւնը ի՞նչ աստիճանի մասնակցութիւն պէտք է ունենայ դպրոցի գործերում:

21. Կարևոր չէ՞ արդեօք, որ թեմական վերատեսուչները անդամ լինին թեմական դպրանոցներէ մանկավարժական խորհուրդներին:



Дозволено цензурою. Тифлисъ. 13 Марта 1882 г.

Типографія И. Мартиросіанца. Орбеліан. ул., 5



9013

« Ազգային գրադարան

1957  
201  
61



NL0053458



